

PEPA O FAAMATALAGA

Feiloa'iga a le Afioga i le Komesina o Sulufaiga ma le Komesina o Ausetalia i Samoa.

Apia, Samoa – 12 Aukuso 2026

Na feiloa'i atu le Komesina o Sulufaiga a Samoa, le Afioga Vui Clarence Nelson, i le Komesina Maualuga o Ausetalia i Samoa, le Afioga William E. Robinson, le Sui Komesina o Simon Dawkins, ma le Failautusi ia James Lyon o le Komesina Maualuga o Ausetalia.

O lenei asiasiga o se avanoa taua mo le Komesina o Sulufaiga e feiloa'i ai ma le Afioga William E. Robinson ma talanoaina ni auala e ono mafai ona fa'apa'aga ai ma le fa'aauauina o le galulue fa'atasi.

O talanoaga na fa'amamafaina ai le mafutaga faapa'aga umi i le va o le Ofisa o Sulufaiga ma le Komesina Maualuga o Ausetalia, e aofia ai le Polokalame Volenitia a Ausetalia, lea e galulue ai sui e to'alua mai Ausetalia ma le Ofisa. O nei sui volenitia o lo'o galulue ma lagolago i le fa'atinoina o tiute a le Vaega o Aiā Tatau a Tagata ma le Vaega o Feso'otaiga ma Fa'alauiloa.

O lo'o galulue fa'atasi fo'i le Komesina Maualuga o Ausetalia ma le Ofisa i le atina'eina o le tomai i le fa'aaogaina o Ala Fa'aagafeso'otai i le aga'i atu le lumanai, e pei ona fautuaina i le Lipoti lata mai a le Ofisa i Tulaga o Aiā Tatau a Tagata i totonu o Samoa.

Ma o lea fa'aauau ai pea lea faigapa'aga ma le Ofisa o le Komesina o Ausetalia mo le atina'eina ma le si'itia o avanoa ma agava'a i le fa'atinoina o galuega.

-----END-----